

پازار ایرتسی فی ۲۷ ربیع الآخر ۱۳۳۰

وفی ۲ نیسان ۱۳۲۸ سنه

|| جمعیت علمیہ اسلامیہ نك ناشر افکاریدر ||

مدیر مسئول
مکتب قضاة معاملہ نندن
کلیسی
منیر

سر محرر :
فاتح مجیز در معاملہ نندن
توقادلی
مصطفی صبری

صاحب امتیاز :
فاتح مجیز در معاملہ نندن
نصوح افندی زاده
مصطفی عاصم

مندرجات

عمر نصوحی	آفریقاده اسلامیت
م . عاطف	مدینت شرعیہ
عمر خیری	سیر درس لری
ابن الرحمی	برینبوع عرفان
احمد شیرانی	عماّم — علاّم
عمر نصوحی	سلطان سلیمی زیارت
صادق خلوصی	مشروطیت — اخلاق
	ادبیات
احمد وهی	تذکیر قیامت
ع . ط	مقدس نہ دیمکدر ؟
	متفرقه
	سیواس مبعوث نامزد لکی
	مصر قاضی جدیدی .

اعلان

نسخہ سی ۱ غروش

آبونه اجرتی (پوستہ اجرتیہ برابر در)

ممالک اجنبیہ ایچون .
۱۳,۰۰۰ فرانق
» ۶,۵۰۰

استانبول و ولایات ایچون :
ر سنه لکی ۵۰ غروش
آلتی ایلنی ۲۵ »

درج اولنیمان اوراق اعاده ایدلر

قارئلر مزہ

اکثر مقالاتہ آیات کریمہ واحادیث نبویہ درج ایدلش بولندینی نظرا اعتبارہ آلتہرق رعایتسز لکده بولنلما می رجا اولنور .

[نوبع طباعت] محمد حلمی و شرکاسی عدلیہ خانی نومرو ۱۹

ایشته بو اوصافی جامع بولمیانلردر که حدت و شدت .
تحقیر . تزییف سلاخلری استعمال اتمک مجبور اولور .
میدان مناظرده جولان ایدجک بر پهلوان اولدیغنی
چابو جق احساس ایدر . شمدیکی اصحاب عمامک اکثریسی بو
طاقدن اولدیغنی حالد ینه کبر و عظمتدن یانلرینه وارینه میور .
« سلطان سخن منم دیگر نیست » دیمکن نفس منوردرلری
آله میورلر .

مسالک سائر اربابنک اصول اجتماعیه لریله اصحاب عمامک
طرز معاشرتلی نظر مقایسه دن کچرنجه برخیلره غبطه
و ایکنجیلره اسف ایتمک الدن کلیمور . اصحاب عمامک نه
بیوکلرنده بیوکلک صفتی و نه ده کوچکلرنده کوچکلک
وضعیتی وار . هیسنت بردرلو دعواسی وار . کیسی حسب
و نسب ایله افتخار ایدیور . کیسی اشکال خرجیه نی مدار
امتیاز طویور . هیچ دوشمنیور که رجحانیت انسانیه نه
حسب و نسب ایله در ونه اشکال ویا احوال ایله در . حتی علم
بلاعمل بیله موجب افتخار دکل داعی خذلاندر . اصحاب
عمام ایچون افتخار اولنه جق برشی وارسه اوده دین وملت
خدمت ایتملریدر . مع الاسف بو خصوصده بر خدمتلیری
کورمدک و بو کیدشه کورمکده نصیب اولیه جق . آرتق
کبر و عظمت ایچون بر وجه تحییج بوله میورم عیب دکل آ :

احمد شیرانی

سلطان سلیمی زیارت

کجن جمعه کونی تعطیلدن بالاستفاده سلاطین سایم
حضر تلیغی زیارته کیتمشده . عثمانی تاریخنک ان زینکین .
اک پارلاق تحیفه لریغی نام عظمتیه ترین ایدن اوجیه الیرک
تربه سکون پرورینه قارشو کوزلرمی عطف ایدرک عرب
بر تأثرله شو بیتلری اوقومغه باشلاده :

عمام و علائم

شو دهر ذی هنرک وقوعه کتیردیکی تحولات عجیبه
و تبدلات غریبه ایچنده عمامک سرگذشتی ده بام باشقه بر
اعجوبه در . رؤس خواصده کی عمام لفیفه سنین مارده ده
فضائل علمیه و خصائل ملکیه علائمی ایدی . فقط مرار
ایام و کرار لیالینک تأثیر سحر آمیزی بک تحف برعکس
العمل تولید ایدی . چونکه شمدی عمام ، نواقص اجتماعیه
و جرائم اخلاقیه علائمی اولدی . کیمک باشنده کوریلورسه
اونک قبا صبا بر آدم اولدیغنی وارد خاطر اولیور . یکانه
سرمایه سی غرور و عصبتدن عبارتدر تلقی اولنیور . یا قولیه
ویا فعلیه مرحالده بی رنجیده ایدر دیه هرکس قورقیور .
مسائل اتمادیه و عملیه ده بر شبهه سی بولنان یانته کیدوبده اونی
سر بسته صوره میور : فصل سؤال ایسونکده سؤال نتیجه ده
اعتراض شکلی آلورسه یادینسر لکه و یا دیگر بر صورته
تحقیر و تزییف ایدیه جکنی بیلور . طوغریسی اصحاب عمامک
بو کی احوال و اطواری نظر خوشنودی ایله آماشایدیه .
میور . حدیقه حافظه لرنده استثمای ایدیه جک بر « ورد »
علمی بولنیورسه اطرافنده اجتناب اولنه جق بیس خار
جانخراش بولنیور . کیمک ، جسارتی وار که بویه بر « کله »
دست استثمائی اوزاتسین . بر ذی عمامه حلم و سکینت صاحبی
اولمی و طاتلی لسان ، نزه قلم قوللاملی در . شدت و عصیت
اصحاب عمامک مسلکینه مناسبتدار اولماملی در .

مجادله بیله کوزل بر صورتده اجرا الیمقه . مشروطدر .
مباحثه و مناظره لره قوللانیه جق اسلحه ، دلائل
اقتاعیه و براهین ارشادیه در . بر مرشد ویا مناظر او قدر
حلم و اوقدر سکینتی اولمی که دلائل مورد و براهین مسرووده دن
نزه وضعیتی ده معارضلری اوزرنده حسن تأثیر بر اقلی .

سویله ای تمثال نصرت! ای سلیم کامور!
 بویله قبرکده نیچون رنگ سکونت جلوه کر؟
 سویله ای حضرت: نه دن کیردک حسیض خاکه سن؟
 قبه افلا که اجلاک طنین انداز ایکن،
 تتردد رکن شرق و غربی نام دهشت آورک
 نشر انوار ایلدورکن سیف هیبت پرورک
 آه! که سوندردی نور سطوتک ظالم اجل
 ایلدک طور اقلری ای برق علویت! محل
 عالم لاهوته رحلت ایتدیکک کوندنبری
 ملتک محو اولمده اقبال شوکت پروری
 روح بر نورک بوکون ویره کده رونق جنته
 جلوه کاه اولمش وجودک پر و قدسیته
 پارلایور زهتکه روضه کده بر فیض جلی
 قبه تر به کده عکس مهر سطوت منجلی
 چاریور انظاره برق اعتلا هرکوشه دن
 ذوقیاب اولقمده در قبرک زیارت ایلین
 پرتو خورشید صامه نشر زهت ایلدور.
 بر ملکدر مقبرک کلمش زیارت ایلدور
 قدسیان توصیف ایدرزات معالی کوهرک
 کوستر قدسیتک دیوان حکمت پرورک
 نام علویتنا هک کوندن اولمش آشکار
 ایلدور اوصافکی یازمقله تاریخ افتخار
 نورسین سن نور علویتسک ای جنت مکان
 اقتباس نور ایدر سندن بتون لاهوتیان،

س...

بن بو بیتلری اوقور او قوماز کویا مشارالیه حضرت تلی
 خطابه باشلا یه رق لسان حال ایله دیوردی که:
 ای غفلت او یقوسنه طلمش بی چاره آدم لر!... بر کره
 او یانکیز او یانیکز ده نظر کزده چارپان شیلری دقله تماشا
 ایدیکز: عجب ایچنده دمکدار حیات اولدیفکیز بو کائناته

عبرت کوزیله هیچ باقدیفکیز وارمی؟.. ایشته بو کون
 فیض بهار ایله هردلرلو بدایع طبیعی جامع بولنان بر شکوفه
 زاره چیقکیز چیقکیزده شو قدر ظریف ظریف الواح
 پر لطافته بر کره باقکیز؛ آنلره هر باقدیجه باشقه بر ذوق
 آلیرسکیز، باشقه بر صفا حس ایدرسکیز، اوح!.. نه قدر کوزل!.. نه
 قدر روح پرور شیلر دکلی؟.. او یله ایسه بوندن بر ایکی آی
 صوکره بر دها او حدیقه پر طراوته عودت بیوریکز؛
 آه!.. نه کوره جکسکیز؟.. بیلیرمیسکیز؟.. او قدر بدایع فطرتدن
 بر اثر قلامش، او قدر رنگین رنگین چیچکلر تورم ایتش
 بر نور سیده حیات کی صاراروب صولمش، صولوق چهره لی
 ورقر اوزرنده تتره بین حیات چی دانه لرینه باقدیجه کلشنک
 بو حال کریه نا کندن ملکدر بیله متأثر اوله رق کوزیا شلری
 سر پشملر دیه جککیز کلیر. اوف!.. نه قدر حزین!.. نه قدر
 کریه پرور بر منظره!..

ایشته بو بر نمونه عبرت، کور بیورسکیز آ؟.. جهانده
 هیچ بر شی کندی موجودیتنی کندی حسن و اطافتی
 محافظه ایده میور؛ عاقبت محو اولوب کیدیور.
 ایشته برده بنم حالمه باقکیز!.. بر زمانلر سیف جلادتم
 جهانی تتردد، رایت اجلام هر طرفده موجه دار فتوحات
 اولور؛ شعشعه اقبالم هر طرفی نورلر ایچنده بر اقیار ایدی.
 بتون کره ارضی کندیمه غیر کافی کورر:
 کشور دهر کرفتم بهمت آسان
 کرچه دشوار نماید بتو آسانی ماء

دیه اعلان غالیتمده بولنور ایدم. حیفاکه!.. بونجه
 عظمتله، بونجه شکوه و سلطنتله پنجه اجله زبون اولدم!..
 کوکبه سعادتم افول ایتدی!.. فسحت سرائی سطوتم طور اقلره
 تحول ایلدی!.. ای زمامداران زمان!.. ای هوسکاران شوکت
 و شان!.. بر کره نظره انبیه کزی آچیکز، آچیکزده
 سزدن اول جمعیت بشریه نی اداره ایتک سودا سنده بولنان
 پرستشکاران اقبالک؛ بو کون ذراته منقلب اولان او قوجه
 آدم لک سرگذشت غریبانه سی حاده تفکر دن کچیریکز؛

هوسات طفلانه‌دن، احتراصات نفسانیه‌دن حذر ایدیکز؛ تاریخ عالمده کوزل بر نام براقق ایچون عدالتپرووران اسلامی تقلیده چالیشکز چالیشکزکه ابدی بر سعادت مظهر اوله‌سکز...

« باقی قالان بوقبه‌ده بر خوش صدا ایش!

ارضرو ملی

عمر نصوحی

مشروطیت — اخلاق

و علمادن بر تمی

مشروطیتی تنظیم و تأسیس ایدن اساسلردن بریده اخلاقدر بواساس اوزره قوریلان عمران، تمدن و ترقی‌ی نظر تماشادن کچرسه‌ک بخته تماشاده سیرایده جکمز کورمه جکمز آثار ترقی بزلی مست حیران ایلر :

نچون : متحیر قیلمسون ؟

بوکله طبیه‌نک ملک ملته بخش ایتدیکی وایده‌جکی مائر عمران، مادی معنوی محسنات، مافوق التصوردر، اودت : تابدايت خلقدنبرو ادوار ماضیه، و صحائف تاریخه، عطف نظر امعان اوله‌جق اولورایسه‌ک فساد اخلاق، و سفاهته مغلوب هر هانکی بر قوم و ملت. و حکومت محکوم انقراض و انحلال اوله‌رق موجودیت ملیه و حاکمیه سنی غائب ایتشد.

فقط ! اخلاقی بر قوم و حکومتی نظر تفتیشدن کچر دیککزده کوریرسکزکه ! هر قبضه‌ک حاکمده، و کوشه سنده جنت عدیل عمرانلر ! ترقیلر : رونما اولور .

شو حالده اخلاقسز ملتک ادامه حیات ایدمه‌جکی میدان بداهتده تظاهر ایدر .

و مشروطیتکده اخلاق سایه‌سند بقاء پذیر اوله‌جنی درکار اولور .

بواساس اوزره بنا ایدله‌جک مشروطیت هیچ بروقت ممکن انهدام و اندراس اوله‌مز . فضله : اوله‌رق مشروطیتی تحکیم و ترصین ایله‌جکی بلاریب مسلم‌الانامدر بو بر حقیقت باهره ایکن : بزلی اخلاق نقطه نظرندن معاینه ایدله‌جک اولور ایسه‌ک بووادیده غایت مهلک و مشوم بر فساد اخلاقه پویان اولدیغمز مع التأسف کوریلور .

بونی براز ایضاح ایتدیگمزده بو مشوم اخلاقسز لک افراد ملته بتون بتون سرایت ایتدیکی غایت آجیقلی بر حال اسفله مشاهده ایدیلر .

بومرض سارینک بوداء مزمنک ایقاع ایدمه‌جکی خسارات کلیه‌ی نظر تأمله آلهرق شمیدین عدم سرایتی راه نجاتی آرازمز ایسه‌ک بالطبع بزلی پای اضمحلالی آلتنده ازوب محو ایدمه‌جکی محققدر . بوخصوصده انسان : دوشوندکجه کندوسنده درین برحس تأثر و یأس اویانما مق قابل دکلدر . چونکه ! اخلاقسز لک بزلی مادی . معنوی یادکار براقه‌جفی خسارنلر ، مذلتلر ، مسکنتلردن بشقه صاعقه دهشتی بزلی یاقوب قاوورده جقدر بوندن چارده خلاص و نجات : جناب خلاق عالمک بزلی لطف کرمندن انزال ایلهدیکی (فرقان حکیمک) احتوا ایلهدیکی اوامر باعث النجاتدن و جناب فخر کائنات افندمزک سنن سینه‌لرندن اولان اخلاق جمیه‌ی اکتسایده‌ملکه حضیضه هلاک سقوطن مصون قاله‌م .

علماء کرام افندیلریمز . علوه‌مترینی بذل صرف ایله کرک قلماً : وایجابنده شفاهاً قواعد اخلاقیه حسنه و سیئه اساسلری اوزره مبتنی اسلاف عظام حضرتمنک بوقدر آثار مدونه و مکمله‌سنی ترجمه و تلقین ایله برنجیسنک بخش ایدمه‌جکی فوائد و محسناتی ایکنجیسنک ایراث ایدمه‌جکی شامت و سیناتی نشر ایدن اخلاق مقالاتی انتشار ایدن رسائل علمیهمزده نظر بختیارانه ایله مطالعه زیب افزا اوله‌رق هم مدیون اولدقلری وظائف مودوعه‌ی اینفا حمده وطن . و افراد وطن مبتلا اولدقلری مرض اخلاق سیده‌دن